

Po mo inpomeisan go lo internet
www.childsafety.qld.gov.au o ring ap Sail Seipti
Dipatman **1800 811 810** an **3224 8045**.

Ol Nem an Pon Namba

Sail Seipti Opesa nem:

.....

Tim Lida nem:

.....

Sail Seipti Senta Opes:

.....

Pon Namba:

.....

Wanem Sail Proteksan Oda? *Torres Strait Creole translation*



Ip da Sail Seipti Dipatman i luk diskain pamle i lugaut pikinini nugud wei, sambadi bi meke mina nugud pasin o prapa bad ting po pikinini o ol thingbaut samting bad go apen po da pikinini mipla go wok lo da pamle po long taim.

Sail Seipti Dipatman ken gede Sail Proteksan Oda prom Children's Court. Diswan i go apen wen:

- Mama an dadi no gri lo da Sail Seipti Dipatman diskain da pikinini sud gede proteksan prom da Dipatman. Diswan proteksan i wen ol mas lugaut em prapa.
- Mama an dadi no wande tok lo da Sail Seipti Dipatman wiskain po lugaut da pikinini prapa
- Dempla ting da pikinini no go bi orait ip em kip on stap lo aus blo em

Bipo da mazistreit lo kot ken gibi Sail Proteksan Oda ol abtu sabe prapa diskain da pikinini sud gede proteksan an ol mas gibi da Oda ip da pikinini go bi orait.

Ol dem mein taip Sail Proteksan Oda i:

- Tempri Asesman Oda (Temporary Assessment Order) – i las po 3 dei, diswan i we da pikinini i lo da ke blo da Sail Seipti Dipatman wail dempla trai po paindaut ip da pikinini i nid proteksan.
- Kot Asesman Oda (Court Assessment Order) – i las aptu 28 dei, diswan we da pikinini abtu stap nada ples ausaid prom aus, wail dempla trai po paindaut ip da pikinini go nid proteksan
- Sot taim Castadi Oda (Short-term Custody Order) – ol gib sambadi prom pamle o da Sail Seipti Dipatman da rait po lugaut da pikinini po aptu 2 yia.

- Sot taim Gadiyansip Oda (Short-term Guardianship Order) – pamle man o sambadi wuda klustun po the pikinini o da Sail Seipti Dipatman i gad da pawa an rait po lugaut da pikinini an em meke ol dem impotan disizan wanem i gud po da laip blo da pikinini po aptu 2 yia.
- Long taim Gadiyansip Oda (Long-term Guardianship Order) – pamle man o sambadi wuda klustun po the pikinini o da Sail Seipti Dipatman i gad da pawa an rait po lugaut da pikinini an em meke ol dem impotan disizan wanem i gud po da laip blo da pikinini til em go bi 18 yia ol.

Ip yu wande sabe eniting baut da Sail Proteksan Oda ring ap da sail seipti opes klustun we yu stap.

